



江北運程卷四提綱

直隸天津府天津縣

白河行天津縣自馬家口上接武清縣入境起

五里右龐家嘴天

六里右蒲口天

七里右下蒲口天

四里右辛莊天

一里右屈家店天

一里右桃花口天

三里右王秦莊天

四里右桃花寺天

三里右劉家園天

三里右王家莊天

四里右吳家嘴天

三里右唐家灣天

四里右丁字沽天

四里右西沽天

名上西河



卷四 提綱



河宋口土對左新編人獻跋

有浮橋自西來入運者大清河合永定河水也俗

四里左岸窰窪天津右岸有大小紅橋逕大紅橋下自西來入運者子

牙河也俗名下西河

五里右岸望海寺天津有望海樓樓面海河左白河右衛河是為三岔

河口

海河受京畿直隸山西山東河南諸水入海禹貢所謂同為逆河

也

右自馬家口起至望海寺三岔河口白河行天津縣境計

程六十一里南接衛河即南運河

以上自卷二至此紀白河經通州香河縣武清縣天津縣境

江北運程

卷四 提綱

二

凡三百五十六里

海河受京畿直隸山西山東河南諸水入海禹貢所謂同為逆河

河口

五里望海寺天津有望海樓樓面海河左白河右衛河是為三岔

四里窰窪天津右岸有大小紅橋逕大紅橋下自西來入運者子

牙河也俗名下西河

江北運程卷四

甘泉董恂醜卿甫輯

直隸天津府天津縣

白河行天津縣自馬家口上接武清縣入境起。

五里。右岸龐家嘴。天津

李廷瑞津門保甲圖說龐家嘴與漢口為對河。村舍不多。其外

即武清縣界。村旁設渡口一處。東界漢口。又河至漢口。流勢稍

平。村落亦巨。其連村曰胡家園。西界龐家嘴。又漢口之北曰小

街子。村外渡口一處。再北則武清縣界。恂按漢口畿輔義倉圖

作早口。武清縣志畿輔安瀾志均作湟溝。龐家嘴有關帝廟。漢口有關帝廟觀音堂。

江北運程

卷四

一

土地廟小街子有火神廟二聖廟畿輔安瀾志東岸草坨一在湟溝一在趙家

莊一在孤雲寺湟溝干總分管畿輔義倉圖天津北境稍西有

桃花口倉。龐家嘴在倉西北。東南距倉十五里。對河早口亦東

南距倉十五里。早口西北有小街。東南距倉十七里。早口東南

有胡家園。東南距倉十三里。

六里。右岸上蒲口。天津

津門保甲圖說蒲口為道側巨鎮。前之歧者。恂按下蒲口圖說云大道出村歧而

為二句蓋指此。入村復合。民廛聚焉。由京至天津。此為入境門戶。北界

漢口。恂按蒲口圖內有真武廟菩薩廟畿輔義倉圖蒲口東南距桃花口倉十

里。

七里。右岸下蒲口。天津。

津門保甲圖說下蒲口村舍頗稀。大道出村歧而為二。北抵蒲口。其下村曰辛莊。下蒲口西北界蒲口。倘按下蒲口有火神廟。畿輔義倉

圖下蒲口東南距桃花口倉四里。

明孫承宗夜過蒲口詩。暫解塵纓半日閒。片帆小艇弄潺湲。長裾調笑餘金埒。秋藥翻飛闕玉顏。酒態偏從煙雨裏。詩情半在水雲間。不知萬頃玻璃月。何似蓬瀛供奉班。

四里。右岸辛莊。天津。

津門保甲圖說下蒲口其下村曰辛莊在馬廠西北。又馬廠在

江北運程 卷四

二

大道側。其對河曰趙家莊。曰沙家莊。曰常家莊。三村相去不遠。大隄外護。民舍頗繁。西北界雙街子。雙街子之連村曰柴家樓。

曰楊家隄。河流村下紆曲回環。形若馬蹄。故俗名馬蹄灣子。南

界下蒲口。倘按趙家莊有菩薩廟。沙家莊有土地廟。常家莊有三官廟。雙街子柴家樓俱有關帝廟。楊家隄有土地

廟。畿輔義倉圖辛莊東南距桃花口倉三里。馬廠東南距倉二

里。對河楊家隄雙街均距倉七里。柴家樓距倉六里。沙家莊趙

家莊均距倉五里。常家莊距倉二里。

一里。右岸屈家店。天津。

津門保甲圖屈家店北界連馬廠。又圖說桃花口其上村曰屈

家店。有真武廟。畿輔義倉圖。屈家店。南距桃花口倉二里。

一里。右岸。桃花口。天津。

畿輔安瀾志。馬家。又南流入天津府天津縣北之桃花口。輿程

記楊村而東二十里為桃花口。又二十里為丁字沽。運道所經

也。津門保甲圖說桃花口在河道之間。隄在河外。其上村曰屈

家店。南界連王秦莊。畿輔水利四案。乾隆二十八年。方觀承奏

天津西沽壘道。即係運河西隄。為通京大路。自天慶寺北至桃

花口。此二十三里。東臨運河西阻大淀。淀漲輒漫溢道上。與運

河連為一片。兼以風浪排激。雖屢加培築。復發椿護埽。終難抵

江北運程

卷四

禦蓋汎漲有餘之水。有壅無洩。勢必蓄隄為患。故西沽一帶舊

建石橋一座。大小木橋三座。使河淀相通。淀水大則洩之。運

水大則洩之。淀而西沽以北。曾無一橋道流通。詳加相度。應於

天慶寺北建三空木橋一座。隔淀隄頭建五空木橋一座。西沽

板橋北建五空木橋一座。唐家灣汎房東南建七空木橋一座。

王家莊北建五空木橋一座。桃花寺茶棚南建五空木橋一座。

桃花口南建五空木橋一座。有。按桃花口有。畿輔義倉圖。桃花

口。在天津北境稍西。有倉。

國朝雙慶過桃花口作眼底詩懷。好臨流遠俗。喧野雲常繞。寺疏樹不遮村。幸有菊盈把。還忻酒滿尊。片帆風飽送何處。

問仙源金尚炳桃花口詩來宿桃花口還尋楊柳青何曾比人面渾未折長亭芳美園空寂支離夢杳冥一般名實舛無事混圖經查學禮桃花口書酒家壁詩小店酒初熟野田花正開我來謀一醉杜宇莫相催

三里。右岸王秦莊。天津

津門保甲圖說王秦莊與董家房相連大道穿村而過其對河

曰大周莊曰小周莊曰李家嘴隄在村外北界桃花口。徇按王秦莊大

周莊俱有關帝廟李家嘴有三官廟地藏巷畿輔義倉圖黃秦莊。徇按卽王秦莊北距桃花

口倉一里對河李家嘴距倉一里大周莊距倉二里小周莊距

倉四里。

四里。右岸桃花寺。天津

江北運程

卷四

四

津門保甲圖說桃花寺河曲巨村也其連村曰董家新房對河

曰趙家莊曰丁家莊曰窰窪三村相比隄在窰窪外而大道出

桃花寺前北界王秦莊畿輔安瀾志橫隄在天津縣北自桃花

寺達韓家樹止長十里雍正四年築謹案北運河在天津府城

北縷河有隄東隄北接武清縣起南至隄頭村止長五十里有

奇西岸北接武清縣起南至桃花寺止長二十里自桃花寺以

南舊爲疊道逕抵府城北關長三十里踰大清河經由之道則

爲西沽浮橋踰子牙河經由之道則爲西沽紅橋又南爲子牙

河支流亦介疊道爲小紅橋踰南運河經由之道則爲北關浮

橋。乾隆九年初次水利工程案內重加修葺。迄今高寬平坦。行

旅利賴。自桃花寺以達韓家樹村北。於雍正四年建築橫隄一

道長十里。接連鳳河東隄。由是淀水無北浸之虞。畿輔水利四

案。桃花寺茶棚南建五空木橋一座。徇按桃花寺村有關帝廟土地廟娘娘廟董家新房

有娘娘廟丁家莊有菩薩廟窰窪有土地廟畿輔義倉圖。桃花寺北距桃花口倉三

里。董家新房距倉二里。對河丁趙莊距倉三里。腰窩距倉四里。

國朝查慎行桃花寺詩已過桃花口。再問桃花寺。獨容叩門來。老僧方坐睡。欲知春淺深。但看花開未。

三里。右劉家園。天其對岸爲北倉。

津門保甲圖說北倉之下曰中倉。前此糧艘曾卸運於此。設倉

江北運程

卷四

五

廠一區。民舍填集。其對河曰菜園。曰劉家園。隄道出村而北。大

道在河外。北界桃花寺。徇按北倉有藥王廟三聖廟娘娘廟關帝廟土地廟畿輔義倉圖

天津北境稍東。有丁直沽倉。劉家園東南距丁直沽十一里。北

倉距丁直沽十里。中倉距丁直沽八里。

三里。右王家莊。天

津門保甲圖說。由吳家嘴而北曰閻街子。曰小劉園。對河曰王

家莊。隄道穿王家莊而過。北界北倉。畿輔水利四案。王家莊北

建五空木橋一座。徇按王家莊有菩薩廟土地廟閻街子有火神廟畿輔義倉圖。王家

莊東南距丁直沽倉八里。

四里。右吳家嘴。天津

津門保甲圖說。天齊廟分東西二莊。其連村曰穆家莊。俱在東岸

流稍曲。隄道隨之。其曲處有村曰吳家嘴。曰唐家灣。曰新莊。俱在

西北界南倉。南倉地勢闊曠。其連村曰馬莊。俱在東岸。隄道在村外。

南界吳家嘴。倭按穆家莊有清真寺。畿輔義倉圖。吳家嘴東南距丁直沽

倉四里。對河南倉距丁直沽六里。穆家莊距丁直沽三里。天齊

廟距丁直沽二里。

三里。右唐家灣。天津

津門保甲圖說。吳家嘴之南為唐家灣。唐家灣對河為西天齊

江北運程 卷四

廟。東天齊廟。迤東界連丁字沽。畿輔水利四案。唐家灣汛房東

三。南建七空木橋一座。畿輔義倉圖。唐家灣南距丁直沽倉二里

四里。右丁字沽。天津

畿輔安瀾志。桃花又南流。逕孤雲寺。西值丁字沽。倭按孤雲寺舊本名白廟

康熙四十八年。御賜今額曰孤雲寺。津門保甲圖說。丁字沽。人煙稠密。水陸衝要之

區也。舊志謂沽形似丁字。故名。其相對之村曰何家嘴。曰柳臺

莊。丁字沽。西界天齊廟莊。倭按丁字沽有關帝廟二。有娘娘廟。有稅局。柳臺莊有藥王廟。土地廟。

川瀆異同。自天津而西北十里曰丁字沽。又十里曰尹兒灣。又

十里曰桃花口。長安客話。三沽者。丁字沽。西沽。直沽。並禹跡疏

導之處。其曰丁字沽者。以河形三岔如丁字也。合衛河白河會於直沽。相縈入海。土人呼直沽曰大直沽。畿輔義倉圖天津北境稍東。有丁直沽倉。

國朝金大中直沽風師歌。丁字沽邊春水生。桃花寺口暮煙平。年年嫁娶漁船裏。不用前溪打槳迎。張祥河丁字沽。穉歌儂家生日在。丁年丁字沽。前丁髻偏夫婿。排行媒氏說琵琶。牢記第三縵海上。浮家樂有餘。笑儂最愛舵樓居。紅鸞好日成親早。可登盤比目魚。阿鵲歌殘。撥六公送。郎催課等鹽銬。自從一去河西務。約得歸期子午潮。白玉搔頭綴晚香。新友好趁櫓前涼。郎情莫似洋紗薄。妾意真同福果長。月子彎彎照鏡宜。放船阿母問何之。郎歸纔髮鬢痕。鏃楊柳青邊去。畫眉西沽直沽。一水經小姑。招手峭帆停。看爾纖腰倚雙槳。晴天蝴蝶雨蜻蜒。釋成衡舟行。丁沽詩。放溜下丁沽。人家半水居。淺沙分井竈。小市集樵漁。榆柳栽成巷。茄瓜載滿輿。波光浮岸闕。星影入林疎。土釜炊紅蟹。青絲釣白魚。帆收

江北運程

卷四

七

晴過雁燈上。夜翻書雲臥。人爭得鷗閒。我不如輕煙。遙拂岸細雨。不沾裾。湧沫飄行旆。狂波撼太虛。荒荒千里外。只此亦廬吾。

四里。右西沽。天有浮橋。自西來入運者。大清河合永定河水也。俗

名上西河

畿輔安瀾志。丁字沽。合西沽。直沽爲三沽。又南流。逕西隄頭。則

有永定河之水。北出鳳河之尾。合大清水。水自西來會之。津門

保甲圖說。迺北運河而北。岔河一道。名上西河。與下西河相對。

河旁舊設礮臺。中爲千里長隄。有浮橋一處。西沽村落。民舍頗

繁。北界謝家臺。謝家臺村不甚大。在右岸。其相對之村曰白廟莊。

曰席廠。曰于王二莊。西界丁字沽。畿輔義倉圖。西沽距丁直沽倉二里。謝家臺距倉三里。對河東岸白廟席廠均距倉三里。于王莊距倉五里。畿輔通志。西沽浮橋在天津縣北三里。清河與北運河會流處。紅橋在西沽北里許。紅橋北里許爲直沽橋。又北五里爲汎安橋。又北四里餘爲玉橋。又北五里爲福祐橋。又北一里半爲桃根橋。清河入天津縣。過韓家樹羣流悉并爲一河。格淀隄限其南。永定河南堰限其北。惟藉西沽一口以爲入運之路。盛漲慮無所洩。故於西沽疊道建設各橋。淀水極大之時藉以宣洩。此紅橋以下六橋所由建也。

江北運程

卷四

八

國朝施士鑑西沽詩。停潯郡西畔。澗湖水東隅。橫帶五千淀。遙鄰七十沽。上游收潦滄南泊。瀉蘆盧合作朝宗勢。平成瀚

謀。

水道管見。清河自保定府東達天津。本一水。上游曰府河。自雄縣以下曰清河。府河源出府西北滿城縣雞距泉。東南流匯一畝泉。及五花連寶諸泉。入清苑縣境。迺府城。別支環城爲濠。蓄流入城爲蓮花池水。折而逕郡城西南隅。則有方順橋。河諸水入之。又東逕郡南門橋。至此始可通舟。稍東。徐河入之。又東流。入安州境。則有望都之龍泉河。合諸泉水入之。至此名依城河。又東北流。則安肅縣之曹河。東南流來會。又東流。逕新安縣。入雜淀。爲二支。其

一東流逕新安縣東南歸西淀其一北流雹河自安肅縣匯之東流逕新安縣東復合流入西淀

在任邱界

豬龍河亦自高陽縣北

流入焉西淀受西山下諸泉河又地窪周迴數百里府河行其中逕趙北口過雄縣東南境白溝河挾諸水自西北來逕城南

入焉地名清河門

此下遂稱清河

又東流則有任邱五宮淀之水北流

入焉又東北流則有盧僧河

白溝上游之支河

東南流入之又東流逕

茅兒灣是爲神機營淀又東流入保定縣西北境又名玉帶河

其分支爲中亭河東北流仍歸本河又十望河亦引河在中亭上游

東逕霸州南境是名通濟河

又東流入文安縣西北境舊與渾河合流名會通河又名會同

江北運程

卷四

九

河今與渾河分流

河至此分三支總名東淀

北派自三岔口經台山出紀家淀入勝滂河中派由

趙家房經托蓮淀出郭家窪入勝滂河南派由下馬頭經崔家房張家嘴至左各莊泊入石溝河其支流循大隄而東經西馬

頭左各莊會於石溝不在三支數內

水小則分流水大則混合又名大清河又名

淀河又東北流逕靜海縣西北界東流入天津境與永定河合

下合北運河入海水道提綱清水河卽會同河今名玉帶河俗

曰中亭河西南自任邱趙北口東北經保定北霸州南由苑家

口東北經永清東安之南桑乾河自西北來會又東南流至西

沽卽拒馬淶易滹唐諸水之委匯也支流甚多其最巨者一曰

拒馬河卽淶水古桃水也源出山西代郡廣昌縣北厓古塔當

廣昌城之東。東北流。至長城浮圖峪。北有一水。南自城南北流。來會。又東經長城北。至塔厓驛南。又有一水。南自山中北流出。城來會。又東流。至紫荆關北。入長城。又東北經易州北境。山中折而東南流。經涑水縣北境。始出山。又東南至涿州西南。折而東北。經州城北。而東南流。有胡良河自西北來會。胡良河卽古涇水。出房山縣西南之大安山。東南流。經涿州之北十里。又東南流。入拒馬河。又有挾河出房山。至涿州。與胡良河合。又東。琉璃河自北來會。琉璃河卽古聖水源。出房山縣西北山中。東南流。經良鄉縣西南。又東南。有小水自北來會。折而南流。入拒馬河。又南流。經州東。又南稍西。經固安縣西南境。又西南。經新城縣城東。南。又有北易水。易水有三。曰武。曰濤。曰雹。北易。則武濤之合。南易。則雹也。西

江北運程

卷四

十

北自易州定興來會。俗曰白溝河。易水源出易州西山龍華店西北。二源東北流而合。又東有濡水。自西北窮獨山來會。又東出山。經州城西南。又東南。經定興縣南境。涑水。自涑水縣城東北南流來會。又東南。過楊村北。又東南。至新城縣南境。與北來之拒馬河會。水至清。故曰白溝。拒馬又東南。經雄縣城西。而南。而東南。入泊。卽趙北口。大路之東。又東北。經保定縣城北。霸州南。出苑家口。又東北。經永清縣東南。東安縣南。桑乾河自西北來會。而東也。一曰長流河。徐河。長流河。卽古南易水。一名雹水。一名鮑河源。出易州西南山。在易水源東。南三十餘里。兩澗合東南流。經安肅縣城。北。容城縣西南。又東南。至新城縣西南。徐河合。曹河諸水自西南來會。徐河。卽古大冊水。源出易州西南之五迴山。曰雷溪。源在

紫荆關前山。東南流百餘里。出山。經滿城縣北。又東流。經保定府治。

清苑縣北。又東南。經安州城西北。有府河方順河。合慶都河。自

西南來。會府河西出滿城縣境。東南流至府城西。環城而東南。有石橋河。自西來。會石橋河。出完縣。有二源。一出縣

東山。一出縣西南伊祁山。即古祁水也。東流至方順橋。而合。曰

方順河。又東流。經涇陽驛南。又東。經清苑縣南。過石橋。又東北

至安州。西慶都水。自南來。會慶都河。遠慶都縣城而東。折東北

流。經高陽西北。石家橋之北。又東北。會府河於安州西南。又北

與徐河會於州城西北。又東。經州城北。而東。至新安縣西南。長流河。自北

來。會。東入泊。經縣城南。又東。為趙北口。又東。與拒馬河會於雄

縣。又東北。自泊流出。為清水河。一曰豬龍河。有三大水。曰唐河

沙河。滋河。唐河。尤大。唐河。即古滹水。源出山西。渾源南。翠屏山。

江北運程

卷四

即恆岳西麓也。東南流。有一水自西來。會。又東南流。有溫泉水

自東北來。會。又南。有嘔夷水。西自槍峯嶺東流來。會。又東流。經

太白山北。為唐河。經靈邱縣城南。又東。折而東南。經三山隘門。

廣昌縣南境。入直隸界。倒馬關之北。又東南。為曲陽北境。唐縣

西北境。羣山。有二小水。自北來。注之。至唐縣北。折而西南流。至

大羊店。又折而東南流。出山。經曲陽縣北。又東南。經定州城北。

又東南。經祁州南。又東。沙河。滋河。二水自西南來。會。唐縣西北。大茂山。即

古北岳。澹即禹貢恆水。沙河。源出山西。繁峙縣東界巖頭山。其西即滹沱源。所謂秦戲

也。東南流。穿長城。入直隸界。茨溝營北。又東南。有小水自西來。

注之。又東南。至阜平縣東南。有一水。自西界龍泉關東南流。合一水。經縣城而東來會。又曲折東南流。經王快鎮西。又東流。經宕城西。始出山。經曲陽縣西南。又南。經行唐縣東北。新樂縣城南。又東。經定州南。無極縣北。深澤縣北。又東。至祁州東南。滋河自西南來會。又北。與唐河會焉。滋河源出山西五臺縣東界烏牛山北麓。東流。穿長城。入直隸平山縣西北界山中。合數小水。東南流。經靈壽縣北。行唐縣南。又東南。經真定府北。又東。經無極縣南。折而東北流。經晉州西北。深澤縣北。又東北。至祁州東南。與西來之沙河會而北合唐河也。滋河至行唐縣之張茂林伏地流至真定縣北之南

江北運程

卷四

十一

孟社復出唐河既會沙滋二水。東北流。爲豬龍河。經博野縣蠡縣南。

俗曰楊村河。又北稍東。經肅甯縣北。高陽縣南。又北。至安州之

東南入泊。其東南卽任邱縣北境泊口之北卽新安縣也。經輔安瀾志府河。古沈水也。

本名清苑河。亦曰沈苑泊。又曰雞距河。舊與徐水合流。今徐水

久已斷流矣。明洪武初。改保定路爲保定府。或以河經府治。故

名。蓋俗稱也。源出府西北三十里滿城縣雞距泉。東南流二里。

匯一畝泉。淪河之伏流所出也。又東南流十里。逕北奇村南奇

村。是爲奇村河。則申泉紅花泉連寶泉五花泉諸水入焉。又東

南流五里。入清苑縣西北境。又東流十七里。逕保定府城西。其

別支環城爲濠。爲護城河。則徐河溝水蓮花池水入之。折而南。逕郡城西南隅。則有方順橋。河匯諸水。支分爲白草溝。河金綫。河石橋。河合流入之。匯爲黃狗窪。又東流二十里。入安州西北界。龍泉河合諸泉水。自望都縣東流來。匯爲界河。折而北流。逕善馬廟。分爲減水河。其分支東北流。仍入於本河。其正支東北流十二里。逕李家村。曹河自安肅縣南東南流來。匯。東南流。逕安州城北。是爲依城河。又東流五里。入新安縣東南界。又東流二里。逕雜淀南。分流爲二。其一北流十二里。逕新安縣東。是爲長流河。雹河自安肅縣北南流來。匯。又東流十里。逕新安城。

江北運程

卷四

三

西環城爲濠。又東流二十里。逕郭里口。行宮南。在新安縣東二十里又

東流三里。逕劉家莊。復合於依城河。其一東流十里。逕太平莊。

北。在新安縣南又東流十八里。逕寨南村北。在新安縣東南又東流十一里。

至趙家莊。復合於長流河。是爲四岔河。東流入於任邱縣之四

角河。歸淀。清河。東西兩淀之經流也。首起河間府任邱縣西北

隅。上接新安縣之溫義河。長流河三岔河四角河。安州高陽容

城雄縣之水。匯於西淀。明時謂之西河。又謂之清河。東流。逕雄

縣孫家莊。又東流。逕楊河莊。亦名楊家莊入任邱縣西北境。又東流

七里餘。其分支爲大港引河。出徐家橋下。下流穿大港淀。仍入

於本河。其正支東流二里餘。逕趙北口。出廣惠橋下。分爲二。其
分支爲岔河。今名馬道支河。東流四里。逕史家口。仍入於本河。
其正支東流屈北。又折而東流十里。入雄縣東南境。是爲清河。
門。白溝河自雄縣城南東南流入焉。又東流一里餘。則有龍灣
河。自瓦濟門東南流入之。又有鄭州五官淀之水。北流出里長
廂入焉。又東北流五里。逕孫家嘴。與大港引河合。又東北流四
里。逕冰窖。則有盧僧河。會王克橋引河。東南流入之。又東流三
里。逕茅兒灣。是爲神機營淀。則有史各莊溝。自古藏糧河。分支
流入焉。又東流二里。入順天府保定縣西北境。又名玉帶河。其

江北運程

卷四

卅

分支爲月河。下流仍入於本河。其正支東流五里。逕張青口。則
有維柳河之水出焉。下流仍入於本河。又東流三里。逕何家道
口。則有古藏糧河。自任邱縣西南來注之。又東北流二里。逕王
各莊。則有王各莊引河出焉。卽古十望河也。下流仍入於本河。
又東流三里。逕擺渡口。又東流二里。逕張莊。直縣城北十里。又
東流南轉。折而北流三里。逕于家莊。又北流四里。逕盧各莊。其
分支爲中亭河。東北流入霸州西南境。下流仍入於本河。其正
支東流三里。逕口頭村。又東流二里。逕太保莊。又東流二里。穿
魚津窪。又東流三里。逕善來營。又東南流三里。逕苑家口。俗又

名夾河。又東流。是名通濟河。西北流入於霸州城濠。又東流五里。逕蘇家橋。人文安縣西北境。舊與渾河合流。名曰會通河。又曰會同河。分南中北三派。亦曰三岔口。其北支自三岔口東北流逕。

皇恩亭東。又北流。逕孫家房。復入霸州東南境。又名通濟河。又東北流

四里。逕賈家莊。分支東流。入於中支河。又東北流一里。逕臺山村。與中亭河合。則有韓家溝之水出焉。又東北流。逕花達墓。又東北流五里。逕十間房。分支南流。入於中支河。又東流五里。逕王家莊。其分支爲劉家河。東北流。入於舊永定河東支河。其正江北連程。

卷四

五

支折而東南流。復入文安縣東北境。逕王家泊。其分支爲王家泊河。東北流入於舊永定河東支河。其正支又南流三里。穿郭家窪。又東南流五里。穿磨磨淀。分爲二。其一南流逕大寺東。與南中二支合。其一東流。穿落波淀。又東流五里。逕勝芳鎮。又名勝芳河。恂按續行水金鑑載此交勝芳之芳均加彳作涉並注言畿輔通志作勝涉安瀾志作勝芳考涉字出山海經今據通志亦名運鹽河。則有舊永定河東支河。自霸州高橋村東志作涉。

南流入之。又東流。逕勝芳東二里。分爲二。一東南流。穿蓮花淀。紫草泊。入大城縣北境。合於南支。入於臺頭河。一東流十二里。逕大城縣之辛張村。又名辛張河。又東流三里餘。復入霸州極

東境。又東北流穿小淀鴨鴻淀。入靜海縣西北境。合於羊芬港。
一作揚芬。又名揚芬。又作羊漢。恂按續行水金鑑言揚芬港畿輔通志作羊糞。安瀾志前作揚芬。後又作羊芬。而注中一作楊芬。又名揚芬。又作羊糞。一書皆進。呈擇名宜雅當從揚芬。其中支自三岔口分流東南流。

五里許。逕趙家房。入霸州東南境之趙家莊。爲古運糧河。分支

西北流。入於北支河。又東流折南轉北。凡四里。逕崔家寨。又分

支入於北支河。又東流三里許。仍入文安縣東北境。又東流十

二里。穿托蓮淀。鴻鵠港。筆筒泊沙尖淀。逕南樓。恂按續行水金鑑作樓。又

分二支。一南流入於南支河。一北流入於北支河。又東流。穿磨

磨淀。逕大寺東。與南北二支會於石溝村。其南支自蘇家橋沿

江北運程

卷四

七

千里長隄。東南流四里。逕下馬頭。分爲二。一東流。穿蒼耳淀。逕

任家莊。會張家嘴河。又東流。逕王家疙疸。又東流五里。穿曹家

泊。逕左各莊。仍合於本河。一東南流二里。逕崔家莊。又東南流

四里。逕張家嘴。則有張家嘴河出焉。下流仍入於本河。又東南

流。逕西馬頭堂頭。折而東北流。逕石城淀。又東北流。凡十八里。

逕左各莊。又分爲二。一東北流。爲左各莊河。下流仍入於本河。

其正支又東北流八里。逕石溝村。亦曰石溝河。逕大寺。下入磨

磨淀。與中北二支合。其正支又東南流四里。逕傅官營。則有子

牙河。自大城縣之王家口西北流入之。今已斷流。營北又有支

河出焉。北流入於中支河。又東流十里。入大城縣西北境。又東流四里。逕臺頭村。名臺頭河。往時子牙河。自靜海縣之莊兒頭東北流入焉。今已斷流。其分支曲折南流。至於莊兒頭。逕隔淀隄而止。勝芳河。東南流與正支會。又東流折北一里餘。分爲二。一東北流。穿蓮花淀。紫草泊。入大城縣西北境。穿西灰窩。東西張窩。泥鰍港。入於臺頭河。一東北流。穿車道泊。東西父子泊。團泊。麻地泊。入大城縣西北境。逕臺頭。又名臺頭河。則有子牙河支流。逕黃汊。北流入焉。又東北流四里。穿灰窩。入靜海縣西北境之大水套。又東流折北。穿蛤蜊泊。又北流折西。逕羊荊港。又江北運程。

卷四

七

名羊荊港河。與辛張河合。又分爲二。一北流。逕癩柳樹。其下流直入武清縣之王慶坨。匯於三角淀。今淀淤而河亦遂絕。其正支東北流八里。穿蒿浪泊。入天津縣西北境。是爲八里河口。又分爲二。東分支東北流。沿隔淀大隄。凡三十里。逕韓家樹。仍入於本河。其正支屈曲東流。凡二十一里。逕楊家莊。又名楊家河。則有錢河。顛兒河入之。又有楊家引河出焉。又東北流四里。逕三河頭。又名淀河。又東流三里。逕青光。又東流五里。則有鳳河之水。自西北來入之。卽今永定河下尾出口之道也。

謹案鳳河自南苑

東流逕武清縣。又南流入天津縣。東北境合永定河。迤南。又東流五里。逕韓家樹。又東南

流七里。則有王家河。自子牙河分支穿隔淀隄北流入焉。又東南流八里。則有于家河。自子牙河分支穿隔淀隄北流入焉。又東流二里。逕礮臺。又東流出西沽浮橋。與北運河合流於天津府城東北隅。而入海河。

水道管見。永定河。一曰盧溝河。緣流經盧師台故各一曰渾河。渾源州之渾源川至

應州合。一曰桑乾河。水至四月上流載水灌田。水輒渴時當桑榘熟故各源出山西忻州靜樂縣燕京山之天池。泱流東北至馬邑縣。今廢。匯為七泉。東流

經大同府山陰縣北界。又東流逕應州北。折而北流。逕懷仁縣南。又折而東。逕大同府大同縣南界。又東流逕陽高縣渾源州

江北運程

卷四

大

天鎮縣廣靈縣。又東流入直隸宣化府西甯縣西南界。又東流

逕順聖廢縣南。與蔚州分界。又東流逕宣化縣南界。又東流逕

保安州西南界。又東流逕新保安城。又東流逕懷來縣城西南

境。洋河自北挾塞外諸山之水注之。曰燕尾河。東南流。則有清

水河挾諸水注之。曰合河口。又其下曰沿河口。東南達宛平縣之王平口九十里。

里西南至涑水縣馬水口百五十里。又南流穿水關台。逕石景山。南流逕順天府

宛平縣西三十里。出盧溝橋。至此兩岸始有隄。又東南流逕良鄉縣東

又東南流逕涿州東北。又東南流逕固安縣北。又東南流逕永

清縣東北。又東流。至此為南北遙隄中寬四五十里。不等。佔永清東安武清三縣境。逕東安縣

城南遼隄距城約十五里入武清縣境在城南約百餘里又東流匯鳳河入清河

合北運河歸天津三汊河東入海河入於海水道提綱桑乾河

古曰治水亦曰濕水亦曰灑水今名永定河源出山西朔州馬

邑縣西北洪濤山俗曰洪濤泉即古累頭山也七泉湧起東南

流至縣城西南有灰河西南自朔州來會灰河實桑乾南源較

洪濤稍遠其源出管涔山之北麓北流經甯武所東又北於陽

方營西出邊城北流至州西南有一水自西來會水有二源南源出甯武所

西北之神泉堡北有湧泉東南合一水北流出邊城大水口東

北流有一水自西北山來會又東北流會灰河此水出神水堡

亦上源也灰河又東北經州城西南有泉水自城西來會又東有桑

江北運程

卷四

乾泉自北來會於城之東南桑乾泉如小澗在州北東南流經城東北又東南與灰河會東

北流與北源洪濤水會而東北經馬邑縣城南又東北流經山

陰縣北有一水自西北來注之又東北經安銀驛南有黃水河

南自縣城東北流注之黃水河出山陰西南朔州東南近邊城之雁門關北山二源合而東北流有一

水南自邊城內之廣武驛西出邊北流與會東北百里經縣城南又東北入桑乾河又東北經應州北有

渾河自南合諸水來會渾河東出渾源州東北望狐山兩源合西流經州城北又西合聖水泉又西至

應州城東北境有一水自州城東而北來會又北入桑乾河即

古渾源川也恆岳在水南三十里應州水二源其西南出夏屋

山茹越山馬跑泉者東北流東南出邊城下者又東北懷仁縣

北流而合經州城東而北會渾河以北入桑乾又東北經大

水自西來注之水出縣西山中東流至神武鎮東北合一水經縣南又東入桑乾又東北經大

同府南瓮城驛北。武州川合衛河自西北來會。武州川西出左衛之西南山東

北流經衛北。又東有二水自北來會。經雲西堡北。又東至高山營西。有一水自西南來會。又東至雲岡堡東。一水自北來會。

折而東南流。有十里。河自西南來注之。又東南與北來之衛河合。又東南入桑乾河。衛河出大同北邊城外。南流入。經得勝堡。

東。又南經府城東。又東南會武州川也。衛河一名如渾水。亦名御河源。在邊外。大僕右翼牧地西北山。又東稍北。

經渾源州北境。陽高縣天鎮縣南境。廣靈縣蔚州北境。入直隸

界。經西甯縣南。又東北經懷安縣南境之東城南。又東北。有一

水西南自廣靈蔚州來會。水出廣靈縣西望狐山之東麓。東北流經縣城南。又東北經蔚州北。又東北行山中。折而西北入桑乾。又東北百餘里。經保安州南。又東北有東洋河。

合清水河。西北自宣化府城來會。水勢益盛。東洋河即古于延水。亦曰修水。其源

江北運程

卷四

三

曰兆哈河。在正黃旗察哈爾東北兆哈嶺之東。兩水合而南流。又東南有七七哈那河。自東北來會。又東南經海喀喇山。又東

南流。入邊城。經山西新平堡之北。平遠堡之南。又東流。經直隸西陽河堡柴溝堡之南。有西洋河。自西南來會。西洋河西出陽

和邊外。太僕牧地。東南流入邊城。靖魯堡北。守口堡南。又東。經陽高縣城北。又東流。至天成衛西北。有二水自西南來會。又東

經城北。又東入直隸界。東北流。至萬全縣西南之柴溝堡。東南與東洋河合。既合。東流。至萬全驛北。有一水。南自懷安縣東北

流注之。又東。清水河北。自張家口南流來會。清水河。即古甯川水。其源在張家口東北太平莊。上源在獨石口。西南山南流。百

餘里。合二小水。折而西。又六十里。與拜察河會。俗曰古爾板河也。拜察河在張家口北稍東。六十里。源出拜察河。經桑阿蘇台

山。南流。會古爾板河。又西。會一水。南流。入口。為清水河。又南。折而西南。入東洋河。東洋河既會清水河。折而東南流。經宣化府

城。西南。又東南。至保安州東北之雞鳴驛。南入桑乾河。西洋河。即南洋河。即古雁門水也。水出陽和北之雁門山。桑乾河。又東。經新保安沙城南。折而東南。經懷來縣。土木驛。在水東十數里。又

東南有媯河東北自延慶州西南流經城南而西來注之媯河出延

慶州東北山西南流經州城南又西南經懷來縣城東南又西南至邊城外入桑乾河延慶州南有岔道口與居庸關相接媯川亦名清水河

東南流入邊城東去居庸關百里行山中經昌平州及宛平

縣西境曲折二百餘里又東南流出盧溝橋下又東南經良鄉

縣東舊分一派東流為鳳河鳳河源出南苑海淀中東南流經舊灤縣為新莊河至東安縣東

北四十里鳳窩集為鳳河又東至武清縣西北為灤水鋪河又

遶城北折而東南八十里為安沽港河南入三角淀即元時渾

河故道也明時渾河南注奪琉璃河經流下今全南流經固安

達霸州其東流一道不復相通遂名鳳河

縣北又東南經永清縣北霸州東北東安縣南玉帶河自西南

來會東流過三角淀經武清縣東南子牙河自南來會又東流

經楊柳青之北又東至西沽南白河自北來會又東南運河自

西南來會所謂丁字沽也東流經天津府城北又東南百餘里

至大沽北入於海桑乾舊名渾河自宛平良鄉而東填淤沖決自元明以來遷徙不一固安永清霸州或南

或北時苦泛溢康熙三十七年始由良鄉之張家莊至東安之

郎神河重開一道使昔之泛決固安以西與永清河合而南至

新城霸州者今遷流於東由固安永清之北引流直出柳岔口

三角淀以達西沽築長隄南北兩岸二百餘里過其南趨使不

與清水諸河會賜名曰永定河而水患稍息三角淀即古雍奴水當西沽之上最大周二百餘里後漸填淤袁延霸

州永清東安武清南至靜海西及文安大城之境東西百六十

餘里南北二三十里為七十二清河所匯永定河自西北來子

牙河自西南來咸注之今日東淀以其對任邱趙北口之泊為

西淀也東淀在武清縣南八十餘里王慶坨之南東西四五里

南北十餘里耳又東為西灤輔安瀾志桑乾河盧溝河上源也

江北運程

卷四

一名漆涪水。源出山西忻州靜樂縣燕京山之天池。洑流東北出朔州馬邑縣西北洪濤山下。爲七泉。統名之曰洪濤泉。卽桑乾泉也。崞川水自劇陽注之。亦曰鄴河。過永濟橋東南合流。逕縣城南。灰河之水。合青羊渠。臘河。盩澗河。七里河。泥河。沙河。楞河。自西注之。曰馬邑川。又東流。逕大同府山陰縣北界。又東流。逕應州北。黃水。河。白泥河。清水。河。木瓜河。諸水入焉。又東流。逕趙霸岡之北。又東流。渾源川注之。爲渾河。亂嶺。關。磁。窰。峽。李峪。凌雲口。遠望峪。神溪水。乳泉。唐泉。諸水入焉。折而北流。逕懷仁縣南。大峪水。小峪水。合流注之。俗謂之懷仁河。金龍山水。鎮子海聖水。泉入焉。又折而東。逕大同府大同縣南界。則有如渾水。自塞外挾諸聞澤羊水。靈泉池諸水。逕得勝堡宏賜堡。合武周川。一作武川水。繞城東北。西南流注之。是名御河。則有滄頭河南大河。兔毛河。廖家河。新莊河。石窟寒泉水。磨河諸水入焉。又東流。逕聚落堡城南。又東流。逕陽高縣蟠羊山下。渾源州北。又東流。逕天鎮縣。五泉河入焉。又逕廣靈縣北。又東流。入直隸宣化府西甯縣西南界。又東流。逕縣治南。則有柳園泉。一突泉。合澗河之水。繞城西南流注之。又東流。逕馬房。又東流。逕東城堡。又東流。逕順聖廢縣。又名順聖川。南與蔚州分界。又東流。逕大小渡。

口。則有壺流河。卽祁夷水。合廣靈縣之莎泉。瑞泉。百家泉。灑雨泉。枕頭泉。集興。曠池。作曠池。蔚州之唐山泉。滋泉。暖泉。乾沙河。金河。飛狐關水。飲馬泉。靈泉。七里河。金波泉。海子泉。橫澗泉。太平河。會子河。蓮花池。扶桑泉。諸水。西南來注之。又東流。逕宣化縣南界。又東流。逕保安州西南界。出孤山下。北爲平坡渠。分北孤山之水。東北流。入於洋河。南爲百戶渠。一名河南。惠民渠。分南孤山之水。東南流。歸於本河。又東流五里。逕頭堡。中惠民渠出焉。東北流。逕州城北。下流入於洋河。又東流二里。逕丁官堡。南惠民渠出焉。逕州城南。下流歸於本河。又東流。逕州城南。汪源屯之

江北運程

卷四

三

公務渠出焉。東流歸於本河。又東。逕溫泉屯。又東流。逕新保安城南。皖出窩棚山麓。又東流。逕良田屯北。又東流。逕老君堂南。又東流。逕榆林屯北。又東流。逕沙城堡北。入懷來縣西南境。則有洋河。合清水河。塞外諸山之水。自北來注之。曰燕尾河。又東流。逕河神廟。又東流。逕攀山北。攀山水自西南注之。迤南流。逕縉山下。曰縉山河。又東南流。逕豬窯堡。則有清水河。承長安嶺。乾沙河。南流。合溪河。神仙溪。河周四溝堡。乾河。乾石堡。河閔河。沽河。小濤。霽。乾河。桑園屯。乾河。佛峪口。水黑龍河。大柳河。板橋河。注之。曰合河口。又東流。逕安家灘。其下爲沿河口。又南流。穿

西山出水關臺。逕石景山下。名盧溝河。今爲永定河。永定河舊名盧溝河。卽桑乾下流也。亦曰渾河。一作南桑乾。河非也。水流無定。衝決爲患。康熙三十七年。

賜名永定河。河自石景山南流。逕順天府宛平縣西三十里。出盧溝橋。

其東爲拱極城。又東南流。逕長安城。距固安縣二十里。每歲總督防汛駐此。又東

南流。逕求賢村。又東南流。逕良鄉縣東。廣陽河鹽溝河之水入焉。

又東南流。逕涿州東。又東南流。逕固安縣北。又東南流。逕永

清縣東北。復改由縣東南之冰窖村出水。又東流。逕霸州東北。

去州治六十里。又東。逕文安縣東北。去縣治八十五里。又東流。逕東安縣南境。

江北運程 卷四 十四

又改由縣西南之北大隄出水。曰新下口。又東流。逕通州武清

縣。漢曰雍奴。西南境。又東流。龍河之水入焉。今入鳳河。又東流。逕沙淀。又

東流。南截鳳河之尾。水經濕水又東至漁陽雍奴縣西入筍溝。武清縣志鳳河其形似扇。自南苑中流出。至三袋入縣境。厯墩上村。漸深廣。迤城之北而東。逕韓村洞。

林三間房南出泗村店。南村南宮柳巷。東州寺兒上艾甫莊。龐家莊。至東蕭家莊。入天津界。歸淀龍河。在縣西南三十里。由東安至穆家口。入縣境。原於六道口。民隄涵洞入永定河。今隄南

已淤。涵洞亦廢。竟由隄北方坑小河引入鳳河矣。沙家淀在縣南五十里。謹案永定河自東沽港起。至石各莊。卽入北埧小河。入天津界。河身屈曲。約長二十餘里。鳳河舊由墩上村至二光

歸淀。因故道淤塞。雍正四年興修水利。一路挑挖。過雙口。抵青沽港。入淀。近年以來。不特渾河由沙家淀至東蕭家莊南歸鳳

河。而東武西北一帶。瀝水亦自北大隄減河至龐各莊東歸鳳河。誠東武二縣最要河道。必須時爲疏挖。寬深以資宣洩。一統

河。而東武西北一帶。瀝水亦自北大隄減河至龐各莊東歸鳳河。誠東武二縣最要河道。必須時爲疏挖。寬深以資宣洩。一統

志元史河渠志渾河本盧溝水從大興縣流至東安縣武清縣入鄆州界此乃元時渾河故道明時渾河南注奪琉璃河經流下達霸州其東流一道不復相通土人遂以琉璃河爲渾河而以元時渾河爲鳳河矣或以上接大興東南三里河下至張家灣者爲渾河舊渠觀此則今日所行猶是故道五百年來不遠而復也 又東流逕靜海縣西北境

謹案鳳河自天津縣西北丁家莊接武清縣界東南行通永定河由葉淀一帶分溝競納至韓家樹西歸於淀池之大清河長二十四里河面寬二交深二三尺不等方輿紀要靜海縣南百里有韓樹河泊司今廢一統志楊柳青渡在靜海縣北四十五里去天津四十餘里自此渡上韓家樹抵 又東流逕天津縣城京師較天津差近卽今鳳河入天津之處

北會於西沽俗謂之西河永經沽水篇又東南至雍奴縣西笥溝鄭注濕水入焉俗謂之合口也方

輿紀要三角淀卽古雍奴水也水經注雍奴者藪澤之名四面有水曰雍不流曰奴其源曰范甕口王慶坨河掘河越深河劉道口河魚兒里河皆聚於此東會於直沽港入於海一名笥溝水一統志西沽在天津縣北自武清縣匯三角淀與白河會注

江北運程

卷四

五

於直沽形如丁字故又名丁字沽其上流今總名淀河天津縣志丁字沽卽西沽也畿輔通志淀河在縣北五里永定子牙清河之會流也自河頭至丁字沽入北運河長四十里淀水浩淼至此始有涯岸故名河頭謹案活河卽西沽浮橋下之河也西自楊家河出三河頭至丁字沽會北運河從前永定子牙清河三水會流今子牙自爲一河由天津縣北之紅橋下會北運河而淀河則總會永定河仍歸於西沽會北運河又案水經注沽河又東南至雍奴縣西入笥溝又東南至泉州縣與清河合東入於海清河者派河尾也鮑邱水南過潞縣西又南至雍奴縣北屈東入於海考鮑邱水今潮河桑乾白河與之合流入清河清河今大清河泉州縣屬漁陽郡故城在武清縣東南卽今天津縣地宋爲清州窩口砦金明昌四年以其地置靖海縣元至元二年併入會川縣立靖海鎮尋復舊清河直其西北境乃道元云今無水似不可解而鮑邱水篇注洵水又北逕雍奴縣東自虜地北入鮑邱河謂之泉州口陳壽魏志太祖從洵口鑿渠逕雍奴泉州以通河海者也今無水則又指泉州渠而言當是沽水篇注以泉州縣爲泉州渠而誤注也今桑乾之水折入武清縣之西南又南接靜海縣之西北下入天津合南北運河入

直沽達海者卽道元所云清淇漳洹澆易涇濡沽滹沱同歸於海故經曰派河尾也歷數十水不及濕與鮑邱者前已言之從省文耳求之河道大概古今亦無弗合也又東北流會南北二運河爲三汊河又東

入於海河同入於海又謹案永定河自武清縣東歸入淀河流逕靜海西北境穿葉淀以達於天津白河自北來衛河自南至

桑乾自西入乃得西河之一名杜佑所謂三會海口指此三河而言蓋居然鼎足之勢矣自入大清河以下土地寬平不復有

淤塞之慮所以治永定河全在爭下口之出水不復計海河之散漫也會典永定河卽桑乾河亦曰盧溝河自山西入境東流

經西甯縣南納自山西入境經蔚州之壺水東流經保安州北

江北運程

卷四

三

納洋河洋河出山西陽高縣經天鎮縣入境爲西洋河東流經

懷安縣南納南洋河北納出張家口廳南流入邊牆之東洋河

東流經宣化縣北納出獨石口廳經張家口廳入邊牆之泥河

東南流至保安州入桑乾河桑乾河又南流東納出延慶州經

懷來縣之媯河入居庸關邊牆經宛平縣爲永定河南流經固

安縣永清縣合淀河入北運河

天津白河自北來

觀察畿南筆記昨聞永定河但有渡船而無行舟然明參政張惟誠有濕江秋月送徐光祿歸吳詩云芙蓉秋色滿仙舟

十里人看畫錦游共把新聲歸北海由來高土說南州行當招隱叢叢桂坐對忘機泛鷗知是暮雲煙靄外一封何日

問江頭濕江卽桑乾今永定河也按日下舊聞考恭載乾隆十八年

御製乘舟觀永定河下口之作然

則永定河未始無行舟

四里。左岸窰窪。津右岸有大小紅橋。逕大紅橋下自西來入運者。子

牙河水也。俗名下西河。

畿輔安瀾志。西又南流。逕紅橋。又南流。逕小紅橋。則有子牙河

水自西南來會之。謹案子牙河踰淀隄而出為王家河。上有王家橋。又東出淀隄為于家河。上有于家橋。又

東出壘道為紅橋。又分津門保甲圖。北運河左岸有東西窰窪。支亦出壘道為小紅橋。

西窰窪對岸有小紅橋。迤北有大紅橋。又圖說由小紅橋而北

為赴京大道。渡口一處。北運河出其間。大紅橋下岔河名下西

河。西界西沽。畿輔義倉圖窰窪西北距丁直沽倉七里。水道管

江北運程

卷四

毛

見子牙河者。滹沱。滏陽二河。及甯晉大陸二泊。合流至大城縣

子牙村而得名也。滹沱源出山西代州繁峙縣東北之秦戲山

合諸泉水。逕縣城南。又西入代州。則有三里河。七里河。諸水入

焉。又西南流。逕崞縣東南。則有北橋。河板橋。河諸水入焉。又西

南。逕忻州北之忻口。折而東。逕定襄縣北。則有忻川水。牧馬川

合諸水入焉。又東南流。逕五台縣西南。又東南流。逕盂縣北。又

東流。至直隸正定府平山縣西北境。臥石口。一名惡石口又東流一

百三十里。則有冷河。自井陘縣合甘洵河。綿蔓水。東北流注之。

謂之合河口。今道又東流。逕平山縣北。又東流。入靈壽縣西南

境。則有嵩陽河東南流注之。又少東衛水南流注焉。又東流入正定縣西北境。又東流四十里。逕其城南。又東逕縣東南。則有柏棠河。清水河。林濟河。旺泉河。諸水入焉。又東流入藁城縣北境。又東流入晉州西南境。又東流入東鹿縣西境。與滏陽河合流。按滏陽河在平山靈壽之間。山狹土堅。水道無大改移。過正定。則其流悍疾。遷徙無常。至與滏陽河合流。則尤朝更暮改。向在東鹿百尺口。續又穿廣陽隄南行。入泊奪。滏陽河本名滏。非身履其地。未易指名。今姑仍舊圖著之。

水北周置縣。滏水之陽。因以滏陽名縣。水亦被是名焉。其源有二。一出磁州西南四十里之神鷹山。一出州西北四十五里之鼓山。二水俱東流四五里。雙流合一。又東南流逕西廂。播爲五

江北運程

卷四

五

爪渠。今名中渠。東流十餘里。仍匯於河。又東南流逕州城南。折而北。逕州城東。

又北流逕東廂。分支爲南北東三渠。又北流。則有犂牛河。賀蘭

河。諸水注之。又北流逕邯鄲縣南。又北流逕邯鄲故城東。又北

則有沁河。卽渚沁水。非源出山西之沁水也。牛照河東流入焉。又東北流。則有

柳楊輪。竈諸水注之。又東北流入永年縣西南境。又東流分支

環廣平府城爲濠。又東北流入曲周縣西南境。又東北流入雞

澤縣東南境。又北東流入順德府平鄉縣東南境。又屈而西北

流入任縣東南境。又北流逕邢家灣。則有大陸澤。卽南海。自雞爪

河東流分入焉。其東岸入鉅鹿縣西北境者長一百里。又北流

入隆平縣東南境。又名清水河。又北流入甯晉縣東南境。又北流逕交口村。則有縣東甯晉泊。即北海自新挑河東流入焉。又北

流。則有鹹河。自藁城縣東南流入焉。又折而東北流。入冀州西北境。於東鹿縣南之百尺口合漳。沱河二水。既合。又東南流。逕

衡水縣安濟橋。又東北流。逕深州南。自武強縣之東南境東北流五十里。逕完固口。前分一支。自完固口東流。逕交河縣界。至

青縣杜林木村。與漳河匯流。入南運河。今漳河南徙。此道亦湮。現由武強縣東北流。逕獻縣北。過臧家橋。為子牙河。俗以橋西為漳。沱河。

橋東為子牙河。入河間縣境。北流逕大城縣東南境。過縣治南。北流逕

江北運程

卷四

无

子牙村王家口。入靜海縣西北境。前有支河。今正河久湮。水由支河行。過獨流鎮。西入天津縣境。逕當城楊家河。過紅橋。入北

運河。同歸於海。水道提綱。漳沱河源。出山西繁峙縣東北泰戲山。在平刑關南。巖頭山西。曰青龍泉。西流。經三泉鎮北。孤山大營南。有小

水。自南來。會又西。經沙澗驛南。有華巖水。自南來。會。水出中臺之麓。北流。經北臺東。又西。北流入漳。沱。又西。稍南。經縣城南。又西南。有戔水。自東南來

注之。戔水出東。戔山西。麓西北。流入漳。沱。又西南。經代州城東南。有小水。自北來。繞城東。而南來。會又西南。經陽明堡東。有二小水。自西北來。注

之。又西南。經崞縣城東。有一水。自西北。經城北。而東注之。其東岸。即

五峯山又南有小水自西來經城南注之。又西南有陽武河自西

來會。其東岸即天柱山及福壽山又南經平原村東有銅河自東來會。河東出鳳

北麓。山有小水自西來會。水西出五峯山之西北麓又南有沙河自西南來會。

又南為忻州北境之忻口折而東南流。經定襄縣城西北有雲

中河自西南來會。河出忻州西北山兩源合而東流數十里。經州北又東稍北至定襄西北入滹沱。又

東南牧馬河自城南來會。牧馬河即三會水源曰嵐水出忻州西南白馬山東北流有陰山水自南

來會。又東又合一水東北流經麻合鎮北及又東經五臺縣南

州城東南又東北經定襄城南又東北注之。又東經五臺縣南

境槐陰堡南有一水自西南來會。水出定襄縣南陽西鎮之南山東北流又北經兩嶺山又

北合一南來之水。稍北有一水自西北來會。水出泉巖堡西北

經建安堡東注之。稍北有一水自西北來會。山兩源合東南流

江北運程

卷四

經槐陰堡東北至河邊。又東南五臺山之清水河自西北來會。

清水河源出南臺山麓。西流數十里東峩山東麓水自西北來

會折而南稍東南流百里有射虎川自東來會折而西流稍西

南逕鹿陽山麓又西有鹿陽河北自獨龍山來會又西南有九

女泉西北自縣東來會又西經五臺縣城東南又南有小水自

城西來會折而東南流經煖泉山西突兀山。又東南經孟縣東

東又東南經寶村店西又東南入滹沱河。又東南

北境有龍花河自西南來注之。河出孟縣北之龍霧山。東北流百里入滹沱。

有秀水河西南來會。秀水河三源一曰烏河出孟縣西南之玉泉山合一水東北流經縣城東南又東北

有星河自縣西北東流繞城來會又東合一小水又北有白鹿

泉自西來注之。又東北有白馬山水自西來注之。又北入滹沱

又東入長城黑山關東南入直隸界自發源至此由東而西而

南而東而東南迴環九百里入直隸界東五十里有一水西自

黑山關之北。東流穿城而南注之。又東南三十里。出山。始行平

地。經平山縣城北。有井陘縣水自南來會。

水曰冶河。有三水會。合北曰桃河。卽甘洶。

河源出山西平定州西壽陽縣東南新興鎮之南山。東北流經州北四角山。又東北有李賓山水自西來會。又東北經臥虎山。鏡山東穿城入直隸井陘界。折東南流經核桃店北。又東南經井陘縣城南。又東北至獲鹿縣西南之雨水店。西與南來之河水會。又北流百里至平山縣西北入滹沱。中曰柏川源。出平度州西南陡泉山。東北流經州南。又東有州城河西北自城來會。又東經西交鎮南藥嶺山北。又東北於固關南穿城入井陘界。四十里沾河自南來會也。南曰沾河源。出樂平縣西南之沾嶺。北流而東經縣城西北。折東南流有小松水自南來會。又東北流有鳴水自西北來合石馬山水。東流來會。又東北有一水自南來注之。又東北穿城入井陘界。北流與柏川合。又北至縣東北與冶河會。又北至平山縣西北入滹沱。又東南流經靈壽縣南。獲鹿縣北境。眞定府城南。又東南經藁城縣城北。

江北運程

卷四

又東南經晉州南。又東南至東鹿縣東南。入大陸澤。自澤東南流。經冀州北。東北流。經衡水縣城西北。又東北。經武邑縣北。武強縣南。又東北。經交河縣西境。至獻縣南。而水分爲二派。一派東流。經獻縣南。東北行百三十里。至滄州西境杜林鎮南。與南來之漳河合。又北至青縣城東南。與運河會。北至靜海縣西。又北至天津。會白河。桑乾諸水。東入海。一派北流。經獻縣城西北。折東北流。經河間府東境。景河鎮北。又東北。經青縣西境。大城縣東境。又北。經子牙汛。俗日子牙河。又北。經靜海縣西境。與西北來之清水河合。東流至西沽北。與白河桑乾會。又東南。南與

運河會二派復合也。

水勢湍急與桑乾同自平山以下自昔遷徙分合不常今記其現在者既入直隸由

西而東南折而東北又東入海行畿輔安瀾志滹沱河卽惡池一千二百餘里滹沱卽禹貢衡水

也源出山西代州繁峙縣東北之泰戲山品字泉西南流合玉

斗泉又西合老泉又西合華嚴嶺水逕縣城南又西入代州則

有三里河七里河西襄河東關河羊頭神河九龍河諸水入焉

又西南流逕崞縣東南則有龍泉南橋河陽武河銅河北橋河

板橋河諸水入焉又西南流逕忻州北之忻口逕蝦蟆石折而

東逕定襄縣北忻川水合沙河河南河金水河一滴泉前山泉海

滿泉注之牧馬川合石代橋溝嵐水綠水泉三會泉諸水入焉

江北運河

卷四

三

又東南流逕代州五臺縣西南合聖阜水又華嚴河東峪河野

馬溝注之又清水河合射虎川盧虜水虜陽河入焉又東南流

逕平定州盂縣北則有烏河溫泉注之又龍化河匯興道村

泉注之又東流至直隸正定府平山縣西北境惡石口一名臥

石口細水河自盂縣來注之又有勿勿水自西來注之又東流

五十里則有兩小水出自縣北山南流注之又東流八十里則

有冷河自井陘縣合甘洵河綿蔓水東北流注之謂之合河口

又東流十里逕平山縣城北又東流四十里逕王角村又東流

入靈壽縣西南境又東流二十里逕忽凍村則有嵩陽河合溫

泉水。即泥河俗呼淤泥河。東南流注之。又東流七里。逕木佛村。有衛水。自

縣東北南流入焉。又東流。逕縣東南界。又東流。逕白莊村。入正

定縣西北境。又東流四十里。逕其城南。有冷河舊渠。西南自獲

鹿縣界入。今已不通。又東流十里。逕縣東南。則有周泉。韓泉。大

小鳴泉。白雀泉。自西北東南流。爲柏棠河。南分爲清水河。又東

繞城東出。爲東大道河。又東。逕林濟村。爲林濟河。南流入焉。城

北有旺泉河。合閻家溝水。東流。折而南轉。分流與林濟河合。注

之。又東流十里。逕張家莊。入藁城縣北境之故營村。俗爲固營。歷隄

裏社九門南。又東流十八里。逕只照村。一作只照。旺泉自正定縣東

江北運程

卷四

三

南流爲只照河。注之。又東流十四里。逕縣治。狗按此三字原文脫漏。據續行水金

鑑補入。又東流二十二里。逕縣東南。又東流五里。入晉州西南境。

又東流三十里。入東鹿縣西境。又東南流。逕衡水縣安濟橋。又

東北流。逕深州南。自武強縣之東南境。東北流五十里。逕完固

口。至獻縣臧家橋。以下爲子牙河。大紅橋。小紅橋。在天津縣北。

子牙河會清河入海處。謹案從前永定子牙清河三水會流。今子牙自爲一河。由天津縣北之紅橋下

會北運河。又子牙河。即漳滏二河之下流也。後爲滹沱所奪。經靜海

之子牙鎮。名子牙河。上流自河間府獻縣臧家橋下。達河間縣

東。至大城縣南。折而東北。由王家口入東淀。至臺頭。會大清河。

而下。乾隆十年興修水利工程。以子牙濁流淤墊而北。獨流坑將成平陸。出水之楊家河至河頭皆有阻梗。實爲全淀隱患。於是自莊兒頭另闢新河。又接築格隄一道。由獨流當城楊柳青自爲一河。至天津城北五里許。會北運淀河。北岸復築長隄九十里。名格淀大隄。當城以下又改爲疊道。自此清渾兩流。卽臺頭以下之淀水。不復有子牙壅淤。而永定河出鳳口之水。清流蕩漾。更獲湍駛之利。一統志子牙河卽滹沱河及滏陽諸水之下流。因經大城縣之子牙村。故得是名。其上游自河間府獻縣之臧家橋流入大城境。至張家莊分爲正支二河。達莊兒頭。經

江北運河

卷四

十四

天津府靜海縣境。仍入大城。合流至天津府。會南北二運河。及大清河入海。河歸海。一名鹽河。又名沿河。大城縣志沿河。自河間縣之龍華橋入縣界。東北流。至縣東南二十五里四呈口。合黑龍港河。亦名交河。從而北折。繞縣東十二里趙扶村。又北逕子牙村。又北二十里逕王家口。又分爲二。一西北流八十里出新挑河。一北流迤東六十里。由王慶坨入三角淀。冊說鹽河在縣南十里。自河間流入。分二支。一西北流入文安縣石城淀。一北流。又分三支。西支入文安黑母淀。東支入大小窩口。中支入霸州文爾淀。總匯於三角淀。入白河。通志子牙河總匯南北二

泊滄滹諸水而滹沱實爲經流。其性湍悍。伏秋水發。河間以北。靜海以南。皆被其害。康熙三十九年。於獻縣河間東西兩岸築長隄。西接大城。東接靜海。各二百餘里。又於東隄廣福樓之焦家口開新河一道。東北至賈口入淀。特設分司一員董其事。自是瀕河之民始有甯宇。其王家口入淀之處。舊分二派。一派西流。至文安趙家莊。又分二支。西支抵文安大隄而北。至龍塘灣。北支逕三灘里。抵石溝河。往往橫截清流。爲隄防害。一派東北流。逕瓦子頭。抵臺頭。會清河而東。雍正三年。怡賢親王奏請障其西流。束之歸一。後西支自淤。正流俱由新河會臺頭河。按子

江北運程

卷四

三

牙河故道。其上流從獻縣西之完固口。出單家橋。經杜林鎮。至青縣鮑家嘴。入南運河。嗣以濁流淤運。且運河當盛漲時。水不能下。雍正四年。塞完固口。使由獻縣之臧家橋。循張家莊。至王家口入淀。淀又被淤。乾隆十年。築格淀隄。隔別清渾。使子牙別由一道。循隄東下。至天津紅橋。匯運河及大清河入海。其張家莊以下分爲正支二河。支河繞蔡家窪。至西子牙橋。歸入正河。旣而支河流暢。其歸入正河處形勢未順。二十九年。改支爲正。并於東子牙村別濬新河二十里。至窪子頭。匯入舊河。合流至莊兒頭而東。三十二年。復接築格淀隄。自莊兒頭西至三灘里。

屬於千里長隄。俾清淀濁河永無浸溢之患。

國朝曾之裕泊子牙河登太公釣臺作把釣成功老亦甘白頭礮石自難堪綸絲徒向漁竿引風雨龍影夢未酣

五里右岸望海寺。天有望海樓。樓面海河。左白河。右衛河。是為三岔河口。

天津府志望海寺在城河北岸。乾隆元年。

賜額瀛壖慈蔭。

國朝查學禮望海寺詩殿角葱龍寒日明憑高一望見蓬瀛河分九派門前合潮送三山檻外迎細靄溟濛呈刹影晚風迢遞度鐘聲回瞻

宸翰光華著長使波濤晝夜平。

季符卿秋日登天津望海樓詩縹

紗孤城據上游渡江人上倚高樓三邊暮色漁陽樹萬里悲風碣石秋地盡魚鹽環估舫河交衛潞越洪流香林重到渾

江北運程

卷四

美

如夢拍徧迴闌賦四愁。張祥河天津登望海樓歌雙眼塵

中思一豁百尺登樓向遠闕洪波浩浩朝夕馳島嶼浮空元氣活危欄兀望橫紫煙天外皆水水接天扶桑枝高挂珊瑚

析木一角幽州偏方丈蓬壺渺何許魏碣秦碑誰可語射雉臺無帝劍弓卯兮城少童男女成山運道近之采轉漕南來

十萬舟奇旋潮生鸚鵡集唱籌聲滿鳳麟洲太平景象雲烘日海宇排雲百神出楊柳青邊走捷旌魚鹽市上看萍實我

憶簪臺登海樓玻璃丈六拜

年豹尾榮隨屨此日輶軒賦壯游中條山色環瑤席會踵南皮盛衰展桓容巾斜欲墮風蘇髻袖大常攜石還朝不礙小

勾留猶念瘡痍在獨流丁字沽前問漁者拾來海月贈人不善聽夜登望海寺樓詩二首入寺憐寒夜登樓得大觀三

山峙縹緲孤月湧波瀾頓覺胸襟闊從知宇宙寬彈琴人不見長嘯倚危欄江漢難為水蓬壺別有天騎鯨邀太白醜酒

弔成連蕩盡塵中慮參來物外禪三更看霞色初日一輪圓石簪清望海樓宴集唐太宗句高軒臨碧渚魄滿桂枝

圓逐韻朱絃對分階舞影連清歌凝白雪雅曲韻朱絃對此歡終宴無勞訪九仙

畿輔安瀾志白河篇紅橋又南流則有賈家口引河陳家溝引河

合筐兒港引河導塌河淀北流入焉又南流逕獅子林與南運

河合於三岔口直府城東由海河同入於海謹案筐兒港減河北運河支流也首

起武清縣東南北運河東岸隄起中分二支限以長隄北支起

西屈河東流逕大石橋朱家馬頭張大官莊梅廠郭家莊周家

莊蔡家莊陳家莊楊家河出境入寶坻縣韓勝莊注於塌河淀

南支起費家莊東流逕褚家莊韋家莊梁家莊陳彪莊北王平

張五家莊注於麥子淀由腰河入於塌河淀穿隄而出為陳家

溝賈家口兩引河以入於海長一百里康熙三十九年開又賈

家口引河首起天津縣塌河淀之高家嘴逕宜興埠燕家口賈

家口長二千七百九十丈入於海乾隆十一年開挑二十九年

重濬陳家溝引河首起天津縣東北之運河東岸入於塌河淀

長二千九百丈塌河淀畿輔通志云一名大河流即北運河筐

兒港藉以蓄洩者也舊隸天津縣在城東北四十里周百里此

淀上無來源下通潮汛以陳家溝賈家沽二河為出納焉南北

江北運程

卷四

七

廣十五六里東西長二十餘里南有小畿輔通志白河又東南

河一道出西隄頭逕城兒上出七里海

達天津府之三岔河由直沽入海淀河在天津縣北五里永定

子牙清河之會流也自河頭至丁字沽入北運河長四十里淀

水浩淼至此始有涯岸故名河頭直沽在縣東南衛河白河丁

字沽之水匯流於此本名小直沽其南則衛河合南路之水其

北則白河合北路之水地勢平行每遇霖潦羣川泛濫直與海

平故有直沽之名畿輔八府地圖記白河過通州香河武清至

天津三岔口與衛河合流入海順天之水如巨馬如琉璃皆合

於渾河合玉帶河而入白河大抵千流萬派衛白二河其綱也

入白河諸水。渾河及趙北口之四角河其綱也。畿輔安瀾志又案天津北運河西岸自龐家嘴入境。南流逕上蒲溝下蒲溝。辛莊馬廠。屈家莊。桃花口。黃秦莊。臺房。新房。桃花寺。菜園。王家莊。吳家嘴。唐家灣。丁字沽。信家臺。徇按保甲圖說作謝家臺西沽。東岸自小街入境。南流逕淖溝。胡家園。郎家灣。馬家莊。楊家隄。柴家樓。童家果園。雙街。沙家莊。趙家莊。常家莊。李家嘴。大周家莊。小周家莊。丁趙莊。腰窩。閻家街。北倉。中倉。南倉。穆家莊。天齊廟。柳灘。火家溝。白廟。葦廠。永定河自北來。大清河自西來。俱匯於此。又南逕于家莊。王家莊。新莊。隄頭。又東南至三岔口。與南運河合。入於

江北運程

卷四

三

海河。河身屈曲長五十三里。河面寬十九丈。深五尺至一丈五尺不等。自通州石埧起。至天津府東望海寺止。總計程三百四十二里。又東卽海河矣。諸書歷歷可考。而漕船志河渠者作三百六十里爲不同。徇按右北運河自石埧至板營店。行通州境一百三里。自板營店至紅廟。行香河縣境二十九里。自紅廟至馬家口。行武清縣境一百六十三里。自馬家口至望海寺。行天津縣境六十一里。統計北運河行通州香河武清天津四州縣境三百五十六里。均按水程分汛單覈計。單則咸豐壬子歲辦海運時高墨園少府維翰所開也。考張文端奏議內載。通州河

道自石埧至板營口一百十五里。香河道自板營口至紅廟村三十一里。武清河道自紅廟村至望海寺一百九十六里。通計三百四十二里。各境里數較高丞單多寡參差。總數較高丞單縮十四里。或河道遷徙曲直不同。或寸寸度之。丈必有差。未可知也。至武清天津兩縣分界。今在馬家口迤南龐家嘴之北。奏議以馬家口以下至望海寺并屬之武清。文端當康熙時。天津僅天左右三衛。雍正三年改衛爲州。九年始設天津府。改州爲縣附郭。馬家口以下。蓋康熙間本隸武清。迨天津設有府縣。乃改歸天津縣耳。又按水程細數單。北運河自石埧至板營店。

江北運程

卷四

五

行通州境九十九里。自板營店至紅廟。行香河縣境二十八里。自紅廟至馬家口。行武清縣境一百三十九里。自馬家口至望海寺。行天津縣境五十七里。共三百二十三里。較文端書又縮十九里。單則道光辛丑歲攜眷奉板輿赴都時。漕標城守營孟趾堂外委祥麟所開也。并列細數如左。自石埧起。二里戲樓。一里土埧。二里羅家擺。八里小神廟。八里劉姑莊。八里小河口。八里崔家樓。八里馬房。八里小屯。八里打魚莊。八里灤縣馬頭。十

里石槽。五里和合站。五里佛頭圈。五里高莊。五里板營店。以上河行通州境五里香河縣馬頭。卽石五里王家樓。五里王家擺。九十九里

五里張家莊。五里埂子上。三里紅廟。以上行香河縣境二十八里。十里狼窩。

五里御坨。五里土門樓。五里車營。五里奶奶廟。三里河西務。五

里五里屯。五里白廟。二里耍兒渡。五里十百戶屯。二里大蒙村。

二里小蒙村。四里四百戶屯。五里黃家務。六里磚廠。二里火燒

屯。三里北蔡村。五里南蔡村。五里柴營。四里如官屯。五里御坨。

五里鄭家莊。五里白家嘴。三里保家營。五里薛家樓。八里楊村。

五里六里店。五里王莊。二里上老米店。五里下老米店。三里馬

家口。以上行武清縣境一百三十九里。二里淖口。五里上蒲口。六里下蒲口。六

里桃花口。五里張家莊。五里桃花寺。五里北倉。對岸即劉家圍。五里南

江北運程

卷四

單

倉。五里回回營。即唐家灣。三里柳灘頭。三里丁字沽。五里西沽。二里

望海寺。以上行天津縣境五十七里。通計北運河行通。州香河武清天津四州縣境三百二十三里。又二里

鈔關。一里天津關。

畿輔安瀾志衛河篇。天津關。又折而東北。逕縣東北。會白河。同入

於海河。土俗名之曰三岔河口。通典所謂三會海口者也。明史

河渠志。衛河北達天津。會白河入海。所謂衛漕也。其河流濁勢

猛。運道得之始無淺澀。然自德州下。漸與海近。卑窄易衝潰。河

防志。天津運河北自武清縣界三岔河起。倘按時天津僅設衛望海寺以北均為武清縣。南至東岸南

清縣境。自雍正間。天津設有府縣。自馬家口以南。南至東岸南

龐家嘴起。改隸天津縣。三岔河不復屬武清縣。

皮縣西岸交河縣界止。歷天津靜海青縣滄州共三百四十五里。一統志：衛河折而東北，逕天津城北，與白河會，曰三岔口。又東注於海，今爲運河。卽古清漳二水所合流也。直沽在府城北，南則衛河合南路之水，北則白河受北路之水，西則丁字沽受三角淀之水，皆至城東北三岔口合流東注。舊名小直沽，其東南十里曰大直沽，今亦謂之海河。南北運淀河之會流也。畿輔通志：三汊河，本名三岔口，亦名三岔沽。衛河西南自靜海縣來，逕天津縣北而東，其流濁。白河西北自順天府武清縣來，亦逕天津縣北而東，其流清。各流至縣東北二百步許而合流，謂之天津。縣北而東，其流清。各流至縣東北二百步許而合流，謂之三岔河。又東出直沽，入於海。安瀾志又案：天津縣河道南起碾坨嘴，接靜海縣界，由楊柳青逕東引河，逾稍直口，逕北關浮橋，至城東北隅三岔口，會西沽各派之水，入於海。東岸北至渠黃口，西岸北至獅子林，長四十二里，有奇。河面寬十九丈，深一丈二三尺不等。

國朝王念孫上顏制軍書直隸大川有五曰南運河曰北運河曰永定河曰大清河曰滹沱河曰清河之下游謂之淀河。滹沱河之下游謂之子牙河。永定大清子牙三河必先合南北兩運而後入海。河每當伏秋之交，五河泛漲，畢注三岔口。中而海潮抵牾，河漩不下。上游隄岸田廬咸受其害。欲治直隸之水，必先治南北兩運河之減河。減河治則入海之路有清分而海河之受水較少，受水較少則易於消納。而永定大清子牙三河乃得暢然入海。河而東注，此治水之所以必先

江北運程

卷四

望

江北運程

卷四

聖

下游也查北運河之兩減河南運河之兩減河及南運河在山東境內之兩減河皆不無淤塞今宜大加疏濬使得暢流入海此六減河者既已疏濬則南北兩運河既治則次及於子牙河當查明格淀隄殘缺卑薄之處急爲修補自當城下仍由築堅實不設涵洞以復其舊再將子牙故道挑挖深通仍由紅橋入運則來溜過行沙不旁散自無壅塞之患矣其子牙河之在大城境內者向分爲正支二河後大溜全歸支河而在獻縣者當將完固口一帶疏濬深通而於完固口建減水石埧二座分水入減水河以殺盛漲如此則子牙一河下游旣得暢行上游又得分泄或疏或築次第興舉自可無潰決之虞矣子牙河既治則次及於大清河大清河以東西兩淀爲停蓄宣泄之地今當開通趙北口橋下各河導西淀諸水由毛兒灣入玉帶河又開通雄縣之密河以分白溝入淀之勢又開通盧僧河以分白溝上游之勢此西淀諸水之當治者也東淀之中亭河當挑濬寬深使與玉帶河分流以緩盛漲又玉帶河自苑家口以東分南北中三股實爲東淀之腹

尤需挑濬寬深使周通貫注以資暢達其自楊芬港至三河頭均應一律開挑以暢尾閘此東淀諸水之當治者也兩淀南岸千里長隄處處缺應一律加高培厚以資捍禦如此則大清一河首尾全治矣至永定一河挾山西直隸衆山之水建瓴而下一過盧溝則地勢漸平水流漸緩而沙亦漸停及至下游則沙無出路而日漸淤塞惟有將兩岸隄工增卑培薄或添建埽工以資捍禦再於上游高處添建減水埧以分盛漲之勢亦得補偏救弊之方格淀隄旣已修復則子牙大清兩不相混而永定大清二河尾閘皆得暢泄抑亦不無小補是格淀一隄實爲三河之關鍵也總之南北運河之減河旣經疏導則入海之路寬格淀隄旣復則清濁各不相干而子牙大清永定三河咸得暢流而入運五河旣治則全省河道已得其大綱其餘衆河應由各道府廳州縣逐一查明分別奏辦雖一勞難言永逸而除害卽以興利實於河道民生大有裨益

吳嗣爵奏畧直隸諸水千支萬派總由三次河爲入海之路運河西岸則大清河會永定河而出子牙河會三支黑龍港而出全資兩岸壘道諸橋穿運而東彙入海河今東岸自南倉以下改爲壘道俾盛漲時可徑達塌河淀

不專恃海河一道爲出路但西岸向祇十一橋今陸續增建九處多其出路上游不致受害至格淀一隄原爲隔別清渾而設查子牙渾河自莊兒頭以下漸清其來路甚遠而出口祇有大紅橋一處實爲太隘是以向來於格淀之尾閘王家河俞家河各建一橋與清河通流然兩橋口面過水有限兩面衝激隄工不能經久每歲徒費增修莫若自當城以下改爲疊道水大聽其自漫水小仍於行人便利並酌增涵洞數座不專恃王家河俞家河兩橋則出水暢順而子牙下流澄清之水亦不致受淤矣

海河受京畿直隸山西山東河南諸水入海禹貢所謂同爲逆河也。

畿輔通志海河南北運淀河之會流也自天津東北三汊口迄大直沽口長一百二十里溪廣崖深奔流湍駛潮汐迎之則逆江北運程

卷四

行而上禹貢所謂逆河是也胡渭禹貢錐指程氏曰逆河世之謂渤海者也逆河之地比九河又特窪下故九水傾注焉雖其兩旁當有涯岸其實已與海水相合不止望洋向若而已一統志應劭曰海之旁出者爲渤漢置渤海郡以此按天津舊稱海套東連旅順南控登州廟島爲重溟門戶中有複沙橫亙如闌洋船非乘潮不能進故明季倭寇從未敢至天津元時海運皆由東直沽入口至明永樂中始罷本朝瀛海恬波梯航重譯康熙中盛京歲歉自津轉粟不三日而卽達近則盛京糧羨值平估販者雲集津門矣畿輔安瀾志渤海在天津縣界東

南一百二十里。重洋浩淼。卽大海也。通志云。東際遼海。西抵直沽。直沽。今大沽口。河流入海處。海口兩岸。一闕中橫。土人謂之海門。潮汐所至。北抵北運之楊村。南抵南運之程官屯。西抵淀河之羊鳳港。率二百餘里。其水皆淡。鹹潮抵海門而止。無岔入者。海船颺迅。珍貨鱗集。遠而閩浙。近則登遼。旬日可達。控扼險要。誠畿輔之大形勝也。講求海運。則元明兩朝規畫備已。陳黃中。京東水利議。直隸之水。經流有三。北爲白河。南則衛河。合二河入海者爲淀河。淀之南則子牙。北卽永定。朱軾查勘畿南水利情形疏。直隸之水。總匯於天津。以達於海。其經流有三。自北

江北運程

卷四

器

來者爲白河。自南來者曰衛河。而淀池之水。貫乎二河之間。是爲淀河。朱軾查勘京西水利情形疏。京西一帶諸山。實爲太行之麓。透地環拱。遙衛神京。水勢因之。盡朝宗而左。鶩故自西北山而下者。皆東南匯於兩淀。自西南山而下者。皆東北匯於大陸甯晉二泊。兩道分流。畢由東淀達直沽入海。吳邦慶直隸五河圖說。直隸有五大河。曰永定河。北運河。南運河。清河。子牙河。而名稱凌雜。端緒難尋。永定河者。合宣化之三洋河。南苑之龍河。鳳河爲一者也。北運河者。合潮河。榆河。南沙河。北沙河。北清河及諸水合成之。通惠河爲一者也。南運河者。合河南之

漳衛淇洹美蕩小丹河泰安之五汶爲一者也。清河者合巨馬三易水白溝瀑河漕河唐沙滋匯合之。豬龍河滿城望都諸泉貫串東淀西淀爲一者也。子牙河者匯合滹沱滏陽二河大陸甯晉二泊而滹沱滏陽及二泊又各有所受之水千谿萬派爲一者也。大約五河之水皆受山西諸水及太行山麓諸流而成。南運河所受之清濁二漳最在南。自磁州北至正定。西山一帶之水則子牙河受之。自正定至房山。山麓之水則清河受之。宣化之水則永定河受之。獨石口至古北口。塞外關內之水則北運河受之。馬蘭鎮至喜峯口。塞外關內之水則灤河受之。灤河

江北運程

卷四

星

因無關修治故不列於五大河云。至薊運河之達海雖係通流而源少流狹更不足與五大川比矣。五大河同匯於天津三岔河口而海河以一綫受之。下流壅塞故上游多潰溢之患。此都水者所以汲汲於南北運之諸減河也。畿南河渠通論渤海在天津東南一百二十里。東連遼海。西抵直沽。直沽卽今大沽口。河流入海處也。兩岸壁陡。一闕中橫。土人謂之海門。潮汐所至北抵楊村。南抵程官屯。西過王慶坨。率二百餘里。皆淡水也。鹹潮抵海門而止。無岔入者。若天設之以限內外。斯亦奇矣。其所受者曰海河。卽南北運淀河之會流也。自天津東北三岔口迄

大沽口長一百二十里。涖廣岸深。奔流湍駛。潮汐迎之。則逆行而上。禹貢所謂逆河是也。每伏秋之交。二運并漲。淀水爭趨。駢注於三岔一口。而強潮牴牾。洄漩不下。倒漾橫流。上游隄岸田廬皆受其浸。所謂尾閘不暢。胸腹俱病者也。故欲治直隸之水者。莫如擴達海之口。而欲擴達海之口者。莫如減入口之水也。雍正三年。南北運各建埧。開河減水。分流別途。歸海。豈僅爲運河計哉。入口之水減。則達海之口寬。而北來之永定。河南來之子牙。河中間七十二清河。乃得綽然入三岔口。而東注。昔人言禹治水。先從低處下手。正此意也。海河右受者曰衛河。卽南運

江北運程

卷四

吳

河也。亦曰永濟渠。亦曰御河。海河左受者曰白河。卽北運河也。亦曰潞河。海河所中受者曰淀河。在天津縣北五里。永定子牙清河之會流也。淀河左受者曰永定河。亦名盧溝河。亦名渾河。亦名桑乾河。淀河之經流曰清河。其派有三分。自會同河之三汊口。逕台山而北。出紀家淀。而東入勝滂河者。西派也。由趙家房逕托蓮泊。出郭家窪。會勝滂河者。東派也。由下馬頭逕崔家房。入張家嘴。過任家莊。逕左家莊。泊歸石溝河者。南派也。沿大隄而東。逕西馬頭。堂頭。左家莊。會石溝河。則其支流也。勝滂石溝二河。總歸臺頭一河。經楊冀港。而出楊家河。楊家河至三汊

江北運程

卷四

望

口計長一百四十里。東淀池所受西淀之水有二。一爲會同河。一爲中亭河。本玉帶河之下流也。按會同爲玉帶之下流。出自西淀之茅兒灣。至霸州而拒馬桑乾胡良霸水皆會焉。故名會同河。今諸河俱已改流。惟栲栳圈一河南北相望。卽中亭河也。首尾皆淤斷。西淀跨雄新數邑之境。旣廣且深。西北諸山之水皆匯焉。北自雄縣來者曰白溝河。拒馬之下流也。西自安州來者曰依城河。曹河。徐河。一畝雞。距方順龍泉諸水之所會也。西自安肅來者曰雹河。南自高陽來者曰豬龍河。唐沙滋三水之所會也。三水頗稱鉅流。畢會於祁州之三岔口。爲豬龍河。逕博野蠡縣高陽而入白洋淀。趙北口居西淀之中。舊有石橋八座。白洋諸淀之水皆由橋下東流。實西淀之咽喉也。淀河右受者曰子牙河。在大城縣東。亦名沿河。亦名交河。經子牙村。故名。子牙河亦名鹽河。子牙河之上游。一曰滹沱河。又一爲滏陽河。亦名滏水。京南上游匯水者爲二泊。一曰甯晉泊。一名胡盧河。卽北泊也。一曰大陸泊。卽大陸澤。一名廣阿澤。卽南泊也。子牙河總會南北。二泊滏漳諸水。終以滹沱爲經流。畿輔八府地圖記畿輔之水。惟永平之灤渝諸河。自入海。其餘皆歸於衛。白二河以入海。衛河發源河南衛輝府輝縣蘇門山百泉。流經直隸。

潞縣滑縣內黃大名縣過大名府城南折東逕山東館陶縣臨
清州爲運河至天津而入海白河又名潞河在密雲縣南十八
里自密雲過懷柔順義通州香河武清至天津三岔口與衛河
合流入海大名之水如洹如淇皆自入衛順德廣平之水如滏
陽如漳皆經大陸會於滹沱以入衛真定之水如滋如派如滏
保定之水如涿如易如徐皆會於任邱縣趙北口之四角河卽西

滏又東至霸州保定縣爲玉帶河順天之水如拒馬如琉璃皆
會於渾河合玉帶河而入白滹沱河在真定府城南八里發源
山西太原府繁峙縣由雁門流經直隸靈壽平山遶真定府城

江北運程

卷四

哭

南歷葉城晉州東鹿至冀州會滏漳二河過衡水武邑武強至
河間府獻縣爲二支一東流爲鹽河一南流交河縣抵青縣岔
河口入衛漳河在成安縣南五里有清濁二水濁漳發源山西
潞安府長子縣西發鳩山清漳發源山西太原府平定州樂平
縣流至河南歸德府武安縣交漳口合流至磁州三臺口一支
東流入直隸廣平府成安縣經肥鄉抵曲周東南一里合滏陽
河一支北流入邯鄲縣經永年至曲周會滏陽河歷雞澤平鄉
任縣隆平甯晉至冀州合滹沱河滏陽河在廣平南五里發源
河南彰德府磁州神農山流至邯鄲縣會滏沁二水由永年抵

曲周會漳河大陸澤一名廣阿澤受水之處在任縣鉅鹿隆平甯晉一帶每水發時浩淼無際禹貢所謂大陸既作者是也趙

北口之四角河即西在任邱縣西北五十七里一接高陽河一

接長流河一接白溝河之一支流過趙北口由柴火淀入玉帶

河玉帶河在保定府北城外接柴火淀東流會渾河即永定河合流

又分四支曲折流入信安河石城淀慈姥淀落波淀黑母淀四

角淀文爾淀總匯三角淀即東歸白河高陽河在雄縣城南二

十里上流即豬龍河至雄縣名高陽河由蓮花淀入四角河即西

淀豬龍河在新安縣南十六里上流即布裏河至新安名豬龍

江北運程 卷四 吳

河布裏河在高陽縣東二十里上流即楊村河至高陽名布裏

河楊村河在蠡縣南十里上流即滋沙澗三河自祁州三岔口

合流至博野縣境名蟾河至蠡縣名楊村河滋水在眞定府城

東北三十里發源山西大同府靈邱縣枝回山流經直隸靈壽

行唐眞定藁城無極深澤至祁州三岔口合澗沙二水沙水即

派河在新樂縣南關外發源山西太原府繁峙縣白坡頭口流

經直隸阜平曲陽行唐新樂定州以至祁州三岔口與澗滋二

水合流澗水即唐河在唐縣西南二十里發源山西大同府靈

邱縣流入倒馬關經直隸唐縣西南過完縣曲陽定州至祁州

三岔口合滋沙二河。定州北十里有清水河。發源白龍泉。流至城北入澗水。俗亦謂之唐河。白溝河在新城縣南三十里。由定興縣南流來。在定興縣河陽渡。係涑易沙三河會流處。俗名北河。經容城至雄縣城南。東流至矛兒灣。入玉帶河。一支由容城縣分流。至雄縣西三里。名黃灣河。又經新安流入四角河。卽西淀

涑水卽拒馬河。在涑水縣東三里。發源山西大同府廣昌縣。流入紫荆關。過易州西北界。至房山縣境。分爲二支。一東流涿州。經固安縣東南入渾河。卽永定河。一南流涑水縣。經定興新城入白溝河。易水在易州南三十里。發源易州寬中谷。流至定興縣北

江北運程

卷四

辛

河村合拒馬河入白溝河。沙河卽道攔河。在涑水縣西十五里。發源本縣平樂山。流至定興爲沙河。入拒馬河。長流河一名長溝河。在新安縣西南五里。上流卽徐水。電水合流至新安。名長流河。徐水在安肅縣南四十里。又名順水。發源易州廣昌縣。經五迴嶺。流下爲雷溪。至滿城縣爲大冊河。至安肅爲徐河。過清苑折東。與漕河一畝。泉方順河合流。達安州城北。爲依城河。至新安合電水。爲長流河。瀑河在容城縣西南十二里。卽電水。自安肅流至容城。下流安州。新安入長流河。渾河卽桑乾河。在宣府西城南十里。發源山西朔平府朔州之舊馬邑縣。桑乾山金

龍池接山西天鎮衛流入直隸宣府鎮西城東城深井堡保安州礮山堡縉山下名縉河南流名合河經沿河口流至宛平縣

盧溝橋俗曰渾河

今永

定河達固安縣境南分一支入新城縣東轉

流入霸州一支順流又分岔復合流入霸州遶城東南名通濟

河流入玉帶河大抵千流萬派而衛白二河其綱也入衛諸水

滹沱河其綱也入白諸水渾河及趙北口之四角河其綱也蔡

新直隸河圖說直隸大小七十餘河其在永平者由遷安經灤

州入於海在遵薊者經玉田寶坻會甯河入於海皆山海關內

南流自入海者也從遵薊而西爲順天府其水則有潮河白河

江北運程

卷四

五

潮河自古北口入白河自獨石口入會密雲由潞河至通州合

畿輔以北諸水經北運河東南行至天津三岔河口入於海順

天之西北曰宣化西南曰保定南曰河間其水最著者曰永定

河自朔州東行合大同諸水入直隸界東會宣化以上諸水又

東會延慶以上諸水經盧溝橋繞畿甸注東淀出三岔河口入

於海保定之北曰拒馬河過涿州會易水經白溝河東南入西

淀其南曰滹河派河又其南曰滋河皆會於祁州東北入西淀

其遶郡者曰徐河朝陽曲逆合諸山泉東行入西淀俱自西淀

注東淀出三岔河口入於海保定之西南曰正定又其南曰順

德又其南曰廣平。正定之水爲滹沱河。由井陘經郡東南入甯晉。順德廣平諸水亦會甯晉。俱自甯晉泊于子牙河東北。注東淀。出三岔河口。入於海。廣平之東南曰大名。其水則漳河。衛河。經河南界。出山東。至臨清州。合南運河。北行至天津。出三岔河口。入於海。總直隸諸水。其不由三岔河口入海者。永平。遵薊諸山泉耳。其在順天者。由通州北運河。東南行至三岔河口。其在大名者。由臨清南運河。東北行至三岔河口。宣化以上之水。則合永定河。東南注三角淀。正定順德廣平之水。則會甯晉。由子牙河東北注三角淀。保定之水。則匯白洋淀。東行至三角淀。三角淀之水。又東行。出三岔河口者也。合一省大小七十餘水。總會一處。入海。宜其驟雨急漲。泛濫橫溢。爲民生患也。畿輔安瀾。志海河受直隸全省之水。輸之於海。南流。逕大直沽。則有陳家

江北運程

卷四

壘

口引河入於賈家沽道。引河南流入焉。陳家溝引河。大直沽引河。分支也。首起天津縣西北黨道沽。南流入賈家口。引河長二十里。賈家沽道引河在大直沽。引河東南首起塌河。迤南流。逕大畢莊。又南流。逕李明莊。又南流。十又東南流。逕賀家口。則有賀家口引河。凌家口引河。首起天津縣城南之波水窪。東北流。逕高家村。馬家寺。郭家村。陳家莊。鄧家莊。王家臺。于家臺。辛家院。至城北十二里之凌家口。分爲二。一東南流。逕梨園頭。又屈曲東南流。至大任莊。爲大任莊引河。一北流。又分爲二。其一東流。入於何家圈。引河。其一北流。下入於八里臺。引河。又北流。逕六里臺。分爲二。一北流。六里入於城濠。一西流。逕礮臺。又分爲二。一北流。四里。亦入城西南濠。一

西北逕太平莊入城東濠賀家口引河上接入里臺引河東流逕佟家樓又名佟家樓引河又東逕黑牛城又東逕賀家口由賀家口橋逕何家圈則有何家圈引河上接凌家口引河逕李入海河七莊亦曰李七莊引河

又東逕柳淀窪大任莊引河北流入之逕雙港則有雙港引河

又東逕何家圈由何家圈橋入海河

大任莊引河上接靜海縣青甯侯引河自青甯侯東北轉南者為蘆北口引河轉北者逕藥王廟又北逕大寺又北逕大任莊

因以為各自大任莊分流一北流屈曲逕柳淀窪入何家圈引河一東流逕入里窪為雙港引河由雙港橋入海河南逕

白塘口則有白塘口引河首起波水窪由窪東南流逕蘆北口分為二一北流逕王家村賈家莊周

家莊曲而東北流逕大任莊之南又東流轉南折而西流又折東南流與東流一支會一西流逕南馬集與北流一支會又東

南逕三合莊又東北逕白塘口由白塘口橋入於海河又東流折北又屈曲東南流又折而東流逕鹽水沽則有鹽水沽引河青甯侯引河首起天津縣東南靜海縣東北之波水

江北運程

卷四

壘

窪東北流逕靜海縣之青甯侯莊又東北流凡七里會於蘆北口引河蘆北口引河在天津縣南蘆北口村南流逕靜海縣東

北境之小孫家莊則有大波窪之水東流入之又東南流逕大黃花泊莊則有黃花泊之水東流入之又南流轉東逕大侯家

莊又東流折北逕天津縣境之王家臺又東北逕韓家莊又東北逕巨各莊長三十里入於鹽水沽引河二河皆乾隆五年開

濬鹽水沽引河首起天津縣東南四十里之秋漠港東北流逕巨各莊又東北入海河胡三省地理通釋云河間之豆子坑今

鹽水沽也今去海四十里地斥鹵廣數十里俱東流入焉又東流折北逕泥沽則有

泥沽之水入焉在鹽水沽東十二里又東流折北屈而南流逕盤沽則有

盤沽之水入焉在泥沽東北七里又東南流逕葛沽則有葛沽之水入

焉在鹽水沽東二十里一統志相去十里曰新河又曰大沽長四十餘里明天順初議開海濱二沽以通薊州運道即此又

東為郝家沽合大沽流入海又東流逕盧家莊沽則有盧家莊沽之水入焉

又東南流。逕黃家園沽。則有黃家園沽之水入焉。又屈曲東南

流。逕鄧善沽。則有鄧善沽之水入焉。在郝家沽東十六里又東流折南。薊

運河西南來會。又東南流。逕大沽。天津縣志大沽口。河流入海處也又東南流。

逕東沽。入於海。天津縣新志大直沽以東有吳家嘴。賈家沽。元沽。泥沽。臥河。白塘口。張家嘴。四里沽。盤沽。鹹水

沽。葛沽。東西泥沽。雙港。鄧善沽。郝家沽。東沽。草頭沽。桃園沽。邢家沽。上下小汀。因地異名。其實皆海河。羅案。桃園沽。在賈家沽

道。東南賀家口。東北其東南則為上小汀。下小汀。過此始為吳家嘴。四里沽。在白塘口。東北張家嘴。在白塘口。東南盤沽。又在

葛沽。東南縣志殊無次序。東北尚有馬家口。吳家嘴。東南尚有田家嘴。郝家沽。西南尚有駝駒河。縣志失載。

會典直隸水道圖說直隸省以保定為省會。在京師西南。其東北承德府。其北宣化府。易州。其東平府。天津府。遵化州。

其南河間府。深州。冀州。其西正定府。定州。其西南順德府。廣平府。大名府。趙州。宣化府之北口。北三廳。永平府。東南為大

江北運程

卷四

壽

海在。山海關之南。東接盛京界。西流經府南。為榆河。陽河。湖

河。灤河。清河。諸口。又經遵化州。為素河。陵河。潮河。諸口。又經

源日龍門。水出宣化府。合獨石口。水盤道口。河東。經長城。至

順天府。合潮河。七渡河。沙河。通惠河。龍河。為北運河。一支東

出為減河。入於海。正渠又合鳳河。而南。西與東淀會。南與南

運河會。東由直沽入於海。南運河。上源日衛河。自河南東流

入境。經大名府。入山東。入境復自山東入境。經河間府。之故城

縣。復入山東。仍自山東入境。經河間府。天津府。合滹沱河。而

北。與北運河會。東由直沽入於海。東淀在順天府界。西定當

其西。接保定府界。西定河。上源日桑乾河。自山西東流入境。經

河。俱達於東。淀永定河。上源日桑乾河。自山西東流入境。經

宣化府。合壺水。洋河。媯河。折東南。至順天府。匯於東。淀。滹沱

河。自山西東流入境。經正定府。合衛水。西韓河南會於甯晉

泊。復自泊東出。經深州。至河間府。與漳河。東北渠會。注南運

河。一支北出。為子牙河。亦匯於東。淀。豬龍河。上源日滋河。沙

河。滹沱河。亦自山西南流入境。會焉。東匯於西。淀。祁河。出保

定府東流西與澠河東出之廣利渠會又合清苑河金錢河
徐河電河亦匯於西淀白溝河上源日巨馬河出易州邊外
東經長城折而南至順天府合琉璃河易水亦匯於西淀甯
晉泊在冀州西趙州東大陸澤當其南接順德府界一水自
澤北日新豐河達於泊漳河自河南東流入境經廣平府一
支東出入山東境正渠北流歧爲二支一東北入山東境復
自山東入境經河間府與滹沱河會一北經順德府至冀州
匯於泊盜陽河出廣平府東北流至順德府匯於澤洛河出
廣平府牛尾河沙河出順德府俱東匯於澤湖河上源日沽
河出遵化州東經順天府合洵河柳沽河補鉞河還鄉河南
入於海灤河上源日商都河出宣化府北邊外之獨石口廳
北流折而東合庫爾奇勒河又東南經承德府合新州河伊
遜河熱河白河老牛河柳河豹河入邊經遵化州合散河恆
河經永平府合長河青龍河入於海黃河上源日錫喇木倫
河出承德府西北境克什克騰旗合拜察河喀喇河老哈河
而東爲西遼河入盛京界老哈河出承德府北流合霍爾霍
老河布爾罕河烏巴河坤都倫河英金河伯爾克河法潢河
大凌河上源日敖木倫河出承德府東流入盛京界其西爲

江北運程

卷四

壘

小凌河其東爲養息牧河俱南流入盛京界馬頰河出大名
府北流魏河沙河趙王河白花河出大名府東流俱入山東
界陵河素河出遵化州青河潮河陽河榆河出永平府俱南
入於海東至盛京界西至山西界北至內蒙古游牧南至山
東界西南至河南界東南至海 沈聯芳論邦畿水利事宜
一疏天津七牐引河以洩海河盛漲也海河長互一百二十
里涇廣涯深潮汐迎之則逆行而上卽禹貢所謂逆河也南
岸有壘道舊設七牐視水盈虛以時啟閉原以洩南窪之水
入海河歸海今海河河底日見高仰南窪地勢反低卽遇水
河水弱之時窪水亦不能入河以故天津城南窪水恆滿水
光一寺宛在水中查七牐之下向俱有行水溝十餘道今並
淤積若尋其故道均加開濬以白塘口與鹹水沽舊河爲經
流導之東行由中堂涯一帶分洩海河盛漲是海河得此七
牐三岔口自不致十分壅滯亦分減之法也惟七牐既開海
河之南必得有隄堰攔禦方不致於南軼波及青靜也或以
開溝之土培成兩隄各束成河啟放之時牐板不宜盡撤恐
溝道窄狹不能容也開溝壘道卽古人溝洫之制縱橫相承
淺深相受水漲則以疏洩爲灌輸水消則以挑濬爲糞治立

法本善無地不宜然亦視其土性之宜否前制府胡公勸民挑挖池塘開溝壘道又置造水車教民運用而其法卒不能行者何也畿輔土疏善崩開挖雖成一遇雨水旋即塌陷水車亦以岸高水深艱於轉運惟開溝壘道大有益於行旅惜行之未久而胡公逝世地方有司遂無實力繼行者夫開溝壘道非祇爲壘道計也地之與河相近者水之赴壘自易其距河較遠之區向非有溝涂以傳送之其停滯之處雖一隅亦能阻隔爲患故爲壘道而開溝而所開之溝亦必相度地勢使溝水有所宣洩而後能收溝之益是開溝實水利中不可少之事今試以壘道工程計之最亟莫如安肅縣南北獻縣單家橋南鄭州迤北景州城北等處果能尋其去路引水導流俾脈絡通行受其益者豈僅在商旅哉

右自馬家口起至望海寺三岔河口白河行天津縣境計

程六十一里南接衛河卽南運河恂按萬里雲程馬家口十里早溝六里蒲溝三

里馬蹄灣八里德勝莊五里桃花口七里北倉三里南倉九里丁字沽五里柳灘兒五里西沽五里窯窪三里天津

江北運程

卷四

美

府城計自馬家口至天津府城共六十九里又按天津縣北境河道北運河東南行順流

以上自卷二至此紀白河經通州香河縣武清縣天津縣境

凡三百五十六里

江北運程卷四終

